

Na osnovu člana 16. stav 4. Zakona o Vladi Zeničko-dobojskog kantona-Prečišćeni tekst („Službene novine Zeničko-dobojskog kantona“ broj 7/10), na prijedlog Ministarstva za pravosuđe i upravu, Vlada Zeničko-dobojskog kantona na nastavku 130. sjednice održanom dana 30.10.2013. godine, d o n o s i

ZAKLJUČAK

I.

Prihvata se informacija o realizaciji Zaključka Vlade broj: 02-14-18037/13 od 21.08.2013. godine kojim je zaduženo Kantonalno pravobranilaštvo da u saradnji sa Ministarstvom za pravosuđe i upravu i Ministarstvom finansija predloži nagodbu o sukcesivnom plaćanju obaveze koju Vlada ima prema tražiocu izvršenja Avdović Irfanu iz Sarajeva.

II.

Ne prihvata se Prijedlog sporazuma o načinu isplate ukupnog novčanog dugovanja izvršenika Zeničko-dobojskog kantona tražiocu izvršenja Avdović Irfanu iz Sarajeva, koje je dosuđeno po pravomoćnom rješenju Općinskog suda u Zenici broj: 43 0 P 031955 13 I od 18.01.2013. godine, ponuđen od strane punomoćnika tražioca izvršenja advokata Sipović Mirsada iz Sarajeva.

III.

Zadužuje se Kantonalno pravobranilaštvo da u skladu sa procedurom o zaključivanju sudske i vansudske nagodbe nastavi na aktivnostima za zaključenje predmetnog sporazuma, pod uslovom da se prihvati Prijedlog koji je utvrdila Vlada Zeničko-dobojskog kantona u maksimalnom iznosu glavnica i 80.000,00 KM (slovima: osamdesethiljada konvertibilnih maraka) kamata.

IV.

Ukoliko se prihvati ponuda Vlade Zeničko-dobojskog kantona, zadužuje se Ministarstvo finansija da precizira pozicije u bužetu sa kojih će se izvršiti plaćanje.

V.

Zaključak stupa na snagu danom donošenja.

Broj: 02-_____/13

Datum, 30.10.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za pravosuđe i upravu,

1x Ministarstvo finansija,

1x Kantonalno pravobranilaštvo Zenica,

1x a/a.



Broj: 06/01-14-10929-2/13
Zenica, 22.10.2013. godine

INFORMACIJA
o realizaciji Zaključka Vlade broj: 02-14-18037/13 od 21.08.2013. godine

I. UVOD

Zaključkom Vlade Zeničko-dobojskog kantona broj: 02-14-18037/13 od 21.08.2013. godine, zaduženo je Kantonalno pravobranilaštvo da u saradnji sa Ministarstvom za pravosuđe i upravu i Ministarstvom finansija sačine i Vladi Zeničko-dobojskog kantona predlože nagodbu o sukcesivnom plaćanju obaveze koju Vlada ima po osnovu Rješenja o izvršenju Općinskog suda u Zenici broj: 43 0 P 031955 13 I od 18.01.2013. godine i presudama Općinskog suda u Zenici broj: 43 0 P 031955 02 P od 19.03.2012. godine i Kantonalnog suda u Zenici broj: 43 0 P 03195 12 Gž od 19.11.2012. godine, a prema tražiocu izvršenja Avdović Irfanu iz Sarajeva.

Naime, navedenim Odlukama obavezana je Vlada Zeničko-dobojskog kantona da Avdović Irfanu isplati naknadu na ime nematerijalne štete, materijalne štete za izgubljenu dobit, novčane rente i troškova parničnog i izvršnog postupka sa zakonskim zateznim kamatama, u ukupnom iznosu na dan 30.09.2013. godine, 307.043,16 KM, a sve prema specifikaciji IK Banke koja se nalazi u prilogu ove informacije.

(Napomena: novčana renta prema specifikaciji IK Banke obračunata je samo za period 01.01.2011. godine – 01.03.2012. godine)

Prema odredbi člana 2 Zakon o dopunama zakona o izvršnom postupku („Sl. Novine FBiH“ broj: 33/06) „Za izvršenje na teret sredstava budžeta FBiH, kantona, grada i općine po pravomoćnim i izvršnim sudskim presudama po djelima terorizma, ubojstva i nanošenja teških tjelesnih povreda, ne ograničava se utrošak budžetskih sredstava predviđen u stavu 3 i 4 člana 1 ovog Zakona.“

Budući da je u konkretnom slučaju izvršenje određeno po osnovu pravomoćne presude kojom je tražiocu izvršenja dusuđena materijalna i nematerijalna šteta zbog nanešenih teških tjelesnih povreda, to je sud naložio Banci da provede predmetno rješenje o izvršenju bez obzira na iznos sredstava koja se nalaze na poziciji za izvršenje sudskih presuda.

Kantonalni sud u Zenici Rješenjem broj: 43 0 P 031955 13 Gž od 16.09.2013. godine, odbio je žalbu izvršenika Zeničko-dobojskog kantona i potvrdio prednje označeno rješenje o izvršenju.

Stav Općinskog suda u Zenici, Ministarstva za pravosuđe i upravu, Ministarstva unutrašnjih poslova i Kantonalnog pravobranilaštva je da se dopuna Zakon o izvršnom postupku može primjeniti u predmetnom slučaju, te da postoji pravni osnov za realizaciju navedenog Rješenja.

Ministarstvo finansija mišljenja je da Budžetom Zeničko-dobojskog kantona za 2013. Godinu nisu predviđena sredstva za plaćanje rente, niti je u bužetu predviđen ekonomski kod i budžetska pozicija sa koje bi se vršilo plaćanje, te da se sa navedenim treba upoznati Vlada Kantona te pokušati sklapanje vansudske nagodbe.

II PREGLED AKTIVNOSTI PO ZAKLJUČKU VLADE

Postupajući po Zaključku Vlade, Kantonalno pravobranilaštvo, predstavnici Ministarstva za pravosuđe i upravu i Ministarstva finansija, u nekoliko navrata razgovarali su o predmetnoj stvari sa punomoćnikom tražioca izvršenja advokatom Sipović Mirsadom, te održali dva sastanka u advokatskom uredu istog.

Predstavnici Vlade Zeničko-dobojskog kantona, usmeno su predložili dva modaliteta zaključenja vansudske nagodbe:

1. Da se cjelokupan iznos glavnice plati odmah po potpisivanju vansudske nagodbe a da se izvršenik odriče prava na kamate
2. Da se plaćanje izvrši u nekoliko obroka, i to glavnica u cjelosti i pola obračunatih zakonskih zatezних kamata, a da se tražilac izvršenja odrekne prava na naplatu preostalog iznosa kamata.

Napomena: kamate sa danom 30.09.2013. godine prema obračunu IK Banke iznose oko 161.567 KM

Punomoćnik tražioca izvršenja, nakon konsultacije sa svojim klijentom odbio je obje predložene varijante vansudske nagodbe, te naveo da je spreman na nagodbu samo pod uslovom da se isplati cjelokupan dug sa kamatama u maksimalno četiri rate, s tim da se zadnja rata isplati najkasnije do 31.03.2014. godine.

Cijeneći interese Kantona, predstavnici Vlade odbili su zaključenje nagodbe pod takvim uslovima, te predložili punomoćniku tražioca izvršenja da još jednom sagleda mogućnost mirnog rješavanja spora, odnosno zaključenja nagodbe uz otpis određenog iznosa kamata, te ukoliko isti cijeni da je to moguće da predloži Vladi tekst sporazuma.

Punomoćnik tražioca izvršenja naveo je da isti više nema strpljenja da mu se i nakon 14. Godina i dalje na grub način uskraćuje ostvarivanje njegovih zakonskih, ustavnih i temeljnih ljudskih prava, uputio je posljednje upozorenje da će protiv svih odgovornih osoba kao saizvršilaca (Službenici Ik banke d.d. Zenica i odgovorne osobe u organima vlasti Ze-Do kantona) podnijeti krivične prijave za izvršeno krivično djelo neizvršenja sudskih presuda iz člana 351 KZ FBiH, ukoliko se hitno u najskorije vrijeme ne izvrši pravomoćno sudsko izvršenje o izvršenju sa svih raspoloživih finansijskih sredstava iz budžeta izvršenika Ze-Do kantona. Takođe, u tom slučaju, tražilac izvršenja je naveo da će o ovom problemu obavjestiti sve nadležne međunarodne i domaće institucije u Bosni i Hercegovini i širu javnost putem medija, te da je kao 100% invalid spreman da u znak protesta stupi u štrajk glađu ispred zgrade sjedišta Zeničko-dobojskog kantona, kao i Investiciono-komercijalne banke d.d. Zenica, te da se odatle neće pomjerati dok mu se ne provede izvršenje.

Nakon intenzivnih pregovora, ponudio je sporazum po kojem bi izvršenik izvršio uplatu ukupno dosuđene glavnice u iznosu od 150.527,96 KM odmah po potpisivanju sporazuma, a da u drugoj rati uplati umanjeni iznos zakonskih zatezних kamata od 140.000,00 KM do kraja decembra 2013. Godine. (kamate umanjene za oko 25.000,00 KM), a sve prema Predloženom Sporazumu od 10.10.2013. godine koji se nalazi u prilogu ove informacije.

Napomena: Ukoliko Vlada ocjeni da bi trebalo prihvatiti ponuđeni sporazum, iznos glavnice bi trebalo umanjiti za iznos od 5.053,42 KM jer prema priloženoj specifikaciji IK banke trškovi izvršnog postupka iznose 946,58 KM, a ne 6.000 KM kako je to navedeno u sporazumu.



III. ZAKLJUČAK

Uzevši u obzir odredbu člana 2. Zakon o dopunama zakona o izvršnom postupku („Sl. Novine FBiH“ broj: 33/06) koja glasi „Za izvršenje na teret sredstava budžeta FBiH, kantona, grada i općine po pravomoćnim i izvršnim sudskim presudama po djelima terorizma, ubojstva i nanošenja teških tjelesnih povreda, ne ograničava se utrošak budžetskih sredstava predviđen u stavu 3 i 4 člana 1 ovog Zakona.“, te činjenicu da je u konkretnom slučaju izvršenje određeno po osnovu pravomoćne presude kojom je tražiocu izvršenja duduđena materijalna i nematerijalna šteta zbog nanešenih teških tjelesnih povreda, predmetno rješenje o izvršenju bez obzira na iznos sredstava koja se nalaze na poziciji za izvršenje sudskih presuda treba da se prioritarno provede.

Smatramo da su stvoreni preduslovi za zaključenje predloženog sporazuma, te ukoliko se pristupi istom, Zadužuje se Kantonalno pravobranilaštvo da odmah po isplati pokrene regresnu tužbu prema ostalim solidarnim dužnicima.

Potrebno ja da ministarstvo finansija precizira budžetske stavke sa kojih bi se predmetni sporazum u slučaju potpisivanja mogao i realizovati.

MINISTRICA

Romana Brkić, dipl. pravnica

